

Edizione diplomatica

bernartz del uentador.

Tant ai mon cor plen de ioia. tot meis de natura. flors blancha
uer meille groia. me sembla freichura. a lo uent (et) a la plueia mi
uen auentura. p(er) qe mos pretz mont e pueia. e mos chanz meillura
tant ai al cor damor. de ioi (et) de douzor. q(ue) legels me sembla flor.
e la neus uerdura.

Anar puesc senz uestidura. nutz e ma camisa. pos finamors
masegura. de la freida biza. mas folz hom se desmesura. qi nos
(t)[1]en deguiza. p(er) qeu na prez demi cura. pos laguien quiza. la plus
bella damor. don aie(u)[2] gran honor. senes lieis ab maricor. no(n) uolg
rauer friza.

[1] Il copista scrive inizialmente *ren*, poi espunge *r* e corregge con *t*.

[2] Il copista scrive inizialmente *aïen*, poi espunge *n* e corregge con *u*.

De samistat mi (t)[3]eisa. mas eu nai conqisa la bella semblansa.
(et) ai en ama deuiza. tant ben ananza qe ia iorn qieu laia uiza
non aurai pesanza. lo cor ai plen damor. qe lesperit el cor.
el cors es sai aillor. loi(n)g de lieis efranza.

[3] Il copista scrive inizialmente *reisa*, poi espunge *r* e corregge con *t*.

Ieu nai bon esp(er)anza. mas petit ma onda. catressi (s)[4]ui emblanza
con la naus en londa. del mal pens qem desenanza. no(n) sai on
mesco(n)da. tota nueg me uir. em lansa de sobre lesponda. peigz
traï pena damor. de tristan lamador. qï suffri mainta dolor.
p(er) iseutz la blonda.

[4] Il copista scrive inizialmente *fui*, poi espunge *f* e corregge con *s*.

Ai deus car sembles gronda qe uoles p(er) laire. euengues denueg
prionda. ins en son repaire. la bella do(m)na iauzionda. uostre fiz
amaire. a paor qel cors noil fonda. sai sil dura gaire. do(m)na uas
uostre amor. iong mas mans e ador. gen(t)[5] cors ab fresca color
grant mal me faitz traire.

[5] Il copista scrive inizialmente *genz*, poi espunge *z* e corregge con *t*.

El mon non a nuil afaire. don ieu tant consire. ni cant cug
de lieis retraire. qe de ioi nom uire. e mos semblantz no(n) sesclaire.
cui qe lauia dire. si cades mi es ueiaire. cai talan de rire.
talan de bon amor. qe maintas ues em plor. pero qe melhor sabor
men an suspire.

- letto 440 volte